

ամենայնի: Այլ քեզ միայն իմաստութիւն քո մատուցի, զի հնարիցիս կատարել զկամս այնմ ամենայնիւ որ անբաւազօրն է եւ զուտ բարի, եւ զամենայն ստեղծուածս յինքն նմանեցուցանել կամի. ըստ որում ասէ Սուրբ եմ ես եւ զսրբութիւն խնդրեմ, եւ ըստ փիլիսոփային սահման ցուցանի նմանել Աստուծոյ ըստ կարողութեան բանական սեռի: Զի՞նչ եւս առ այս՝ քան թէ պաղատիմք առ այն Սրբել զմեզ ուցեալ իւր ծառայից զգայարանս շնորհիւն ձրի եւ զօրացուցէ եւ մարդասիրեսցէ տեսանել զինքն, հաճոյանալ ըստ կարողութեան մերում առ միշտ բարին ամենայնի: Եւ զի՞նչ առ այս բաղդատութիւն Աստուծոյ եւ մարդկան, որ շարայարեալս եմ ըստ քոյդ մեծութեան եւ բարերարութեան՝ որպէս Աստուծոյ զիմս նուաստութեան գիր ողջունականի յարմարեալ: Առ ընկալ որպէս զծով լայնատարած եւ իբրեւ զերկին համասփիւռ լուսաւորօք փափաքմամբ ըզձալի նուաստ եՐԵՄԻԱՅԻ:

(Զեռ. Թիւ 1058, քլ. 25բ)

(Առ Եղիազար կաթողիկոս յէջմիածին)

Տեսուն ամենամեծար սրբազան Հոգեւորտիրի երկըրպագութեամբ շնորհաբաշխ աջի ըստ նախնեաց յօրինի այսպէս ծանուցի ըստ առաքելոյ. Որ յաջողէ զամենայն ամենայնի Աստուած է, որպէս նախատեսքն գուշակեցին քարոզելով աստուածասիրաց՝ Բարի առնել Տէր բարեաց եւ սրտից ուղղոց, եւ զչարս արիւննահեղս եւ զնենդաւորս մի հասարակել զաւուրս: Եւ զընդգէմն եւս ասեն. Ահա մեղաւորք են եւ աջողեալ